




Kalaallit Nunaanni nappaammik kræftimik akiuiniarfik

Ukiumoortumik nalunaarut 2018



IMARISAI:

AALLAQQAASIUT	3
SIULERSUISUT	4
SIULERSUISUT ATAATSIMIITTARNERI, OQALUUSERISAT AALAJANGIUSSALLU	4 – 5 – 6
DANMARKIMI KRÆFTENS BEKÆMPELSEP AALLARTITAASA ATAATSIMEERSUARNERANNI PEQATAANEQ	5-6
NUNA TAMAKKERLUGU KATERSUINIARNEQ	6-7-8-9
UKIUP SINNERANI PISIMASUT ALLAT	10
IMMIKKOORTORTAQARFIIT	10
TAPIISSUTIT	11
EQIKKAANEQ	12



Aallaqqaasiut

Matumuuna Nuna tamakkerlugu suliniaqatigiiffiup Neriuffiit Kattuffiata ukiumoortumik nalunaarut 2018-imut tunngasoq saqqummiuppa, nuna tamakkerlugu suliniaqatigiiffiup ingerlasimanera aammalu 2018-imi piumassutsimik sulisimaneq qanoq ingerlasimanersoq ilanngullugit nalunaarutigalugit.

Neriuutigaarput ukiuni siuliinisulli ukiumoortumik nalunaarut matumuuna nassiunneqartoq tigulluarneqarumaartoq.

Nuna tamakkerlugu katersuiniarnersuaq KNR-TV aamma Kulturip Illorsua suleqatigalugit novemberip pingajuanni 2018 angusarissaarfiusumik ingerlanneqarpoq, aningaaasartuitit ilanngaatigereerlugit 1,85 mio. kr. iluanaarutigineqarlutik.

Aalajaatsumik paarlakaaffiunngitsumik sulisoqarnerup ukioq ingerlatsiffiusoq pitsasumik sunniuteqarfigaa, ukiumoortumik katersuiniarneq ukiuni kingullerni marlunni angusaasartunut naleqqiullugu pitsaanerusumik angusaqarfiummat.

Neriuffiup Kattuffiata siulittaasua siulittaasullu tullia Kræftens Bekæmpelsep aallartitaasa ataatsimeersuarneranni ulluni 26. aamma 27. maji 2018 Danmarkimi pisumi peqataapput.

Siulersuisut allaffimmi sulianik kinguaattooqqasunik torersaanissaq sallutimmassuk, aammalu Nuna tamakkerlugu katersuiniarnersuup ingerlanneqarnissaa pingartinneqarmat, 2018-imi oqaloqatiginnittartussanik pikkorissartitsisoqanngilaq.

Ukiumoortumik nalunaarut ukiup ingerlanerani siulersuisuni suut oqaluuserineqartartut aammalu aalajangikkat malillugit immikkoortitigaavoq.

Neriuutigaarput ukiumoortumik nalunaarut una attaveqaatitta tamarmik suliniaqatigiiffimmi ukiup ingerlanerani pisarsimasunik paasissutissanik eqqortunik pissarsiffigijumaaraat.

Illoqarfinni immikkoortortaqarfiit saniatigut nalunaarusiaq ukununnga nassiunneqassaaq:

Peqqissaaviit, suliffeqarfiit suleqatigisagut, Peqqissutsimut Naalakkersuisoqarfik, Kommunit, politikkikkut partiit aammalu inuit ataasiakkaat suliniaqatigiiffsinnik immikkut soqtiginnisinnaasut.

SIULERSUISUT

Tunuartoqarnerata aamma 2016-imi qinersinerit amerlassusai najoqqutaralugit ilaasortassamik nutaamik ikkuttoqarnerata kingornatigut siulersuisut 2018 ukiaagaa imatut inissitsiterput, ukiullu sinnera ukuullutik siulersuisuni ilaasortaallutik:

Siulittaasuugallartoq: Birte Nielsen, Nuuk
Aningaserisoq: Kristine S. Gedionsen, Aasiaat
Oqaloqatiginnittartunut siunnersorti: Frederikke Reimer, Ilulissat
Avannaani immikkoortortaqarfinnut siunnersorti: Johan Olsen, Aasiaat
Kujataani immikkoortortaqarfinnut siunnersorti: Karl Nathansen, Paamiut
Siulersuisuni ilaasortaq: Judithe Johansen, Sisimiut

Immikkut isumaqatigiissuteqarfigalugu allaffisornermi sulisoq: Aviâja Lynge

SIULERSUISUT ATAATSIMIITTARNERI, OQALUUSERISAT AALAJANGIUSSALLU

Siulersuisut ataatsimiittarneri sapinngisamik qaammatit tamaasa (juli sulinngiffeqarfiusoq minillugu) oqarasuaatikkut ingerlanneqartarput, ukiumullu ataasiarlutik naapillutik ataatsimiittarlutik.

Ukioq 2018 junimi naapinneq pivoq.

Siulersuisut qaammatikkaartumik ataatsimiinnerminni aalajangersimasunik oqaluuserisassaqaartarput:

1. Oqaluuserisassat akuerineqarneri
2. Kingullermik ataatsimiinnermi imaqarniliap akuerineqarnera
3. Siulersuisuni kingullermik oqarasuaatikkut ataatsimiinnerup kingorna pisimasunik ilisimatitsineq.
4. Aningaasaqarneq
5. Nuna tamakkerlugu katersuiniarneq (pilersaarusiornera pineratalu kingorna pisut)
6. Oqaloqatiginnittartut siunnersortaannit
7. Immikkoortortaqarfinnut Siunnersorti – Kujataani Siunnersortimiit
8. Immikkoortortaqarfinnut Siunnersorti – Avannaani Siunnersortimiit
9. Tamalaat

Ingerlatsinermut tunngasunik siulersuisunit aalajangiiffiqeqartussanik qulakkiigassaqartillugu imaluunniit allanik eqqartugassaqartillugu, taakku oqaluuserisassanut ilangunneqartarput ataatsimiinnernilu eqqartorneqartarlutik.

Qaammatikkaartumik ataatsimiinnerni eqqartorneqarsimasut saniatigut ukua taaneqarsinnaapput:

Januari:

Sinniussaq siulleq Lukas Stephensen siulersuisuunerniit tunuarpoq, siulersuisuniillu suleqataalluarsimanera qujassuteqarfigineqarpoq.

Siulittaasuugallartumit nalunaarutigineqarpoq Nuup illoqarfianeersunik meeqqanik oqaloqatiginnittartussanut ulluni 19., 20. aamma 21. januari pikkorissartitsisoqassasoq. Pikkorissartitsineq Psykoterapeutip Elisabeth T. Wille-p tunissutigaa.

Aalajangiunneqarpoq Neriuffiat Kattuffiat aviiseeqqamik saqqummersitsissasoq 1. aprili 2018 piffissaliullugu. Nuna tamakkerlugu katersuiniarnissarsuaq aprili 2019-imi ingerlanneqassasoq naatsorsuutigineqarpoq.

Februari:

Nuna tamakkerlugu katersuiniarnissarsuarmut piareersaatit allaffisornermi suliarineqarput, ilaatigut nakkaatitsivinnik inniminniinerit, immikkoortortaqarfinnut atortussanik nassiuussuineq, politit akuersissutaannik pissarsiniarneq il.il.

Meeqqanik qanoq oqaloqatiginnittarnissamut ilitsersuummik sanasoqarpoq.

Martsi aamma aprili:

Siulersuisut akuerisaannik aaqqissuussisut tungaanniit aalajangiunneqarpoq, Nuna tamakkerlugu katersuiniarneq ukiamut kinguartinneqassasoq piffissaaleqineq peqqutigalugu. Immikkoortortaqarfiiit Allaffeqarfimmuit kinguartitsinermut tunngasumik nalunaarfigiortorneqarput.

Aprilimi aamma martsimi siulersuisut ataatsimiinngillat ilaatigut siulersuisunut ilaasortat namminerisaminnik angalanerat peqqutigalugu, aammalu allaffeqarfimmii sulisup allaffimmii ulapputeqarnera peqqutigalugu, allaffimmii tillinniarfigitinnerup aprilimi pisup aserorteriffigineqarnermik ilallip sillimmasiisarfikkut aaqqiiffigineqarnissaa suliarineqarmat.

Aningaasat tigoriaannaat, mobiltelefonit, akiliisimanermut uppernarsaatit, Neriffiit Kattuffiata allaffianiittut tillinnejqarsimapput, aamma Røde Korsip allaffianiit, IKIU-miit, Peqatigiiffik Kalaallit Meerartaanniit il.il. pigisat nalillit tillinnejqarsimapput.

Taassuma kingornatigut allaffeqarfiiit kalerrisaarummik ikkussiffigineqarput, GFS Securitymut attavilerlugu.

Maji

Siulersuisut naapillutik ukiumoortumik ataatsimiinnissaat Nuummi junip aallartisimalernerani 2018 pissasoq aalajangiunneqarpoq.

Ilisimatitsissutigineqarpoq siulittaasoq tullialu Danmarkimi Kræftens Bekæmpelsep aallartitaasa ukiumoortumik ataatsimeersuarnissaanni majip 26. aamma 27. 2018 peqataajartussasut.

Tamanna iluatsillugu siulersuisut Kalaallit Peqqissartut Illuannut Københavnimiittumut 25.000 kr.-inik kalaaliminersutissanik tunissuteqarput.

DANMARKIMI KRÆFTENS BEKÆMPELSEP AALLARTITAASA ATAATSIMEERSUARNERANNI PEQATAANEQ



Siulittaasoq Sara J. Brandt aamma siulittaasup tullia Birte Nielsen majimi Danmarkimukarput Kræftens Bekæmpelsemi aallartitat suleqataasullu allat ukiumoortumik ataatsimeersuarnissaannut peqataajartorlutik.

Ataatsimiinnermi peqataasut nakorsanit saqqummiussorneqartunut malinnaapput, tassunga ilanngullugit KB-mi ukiuni tulliuttuni anguniagassanut taassisutigineqartunut akuerineqartunullu aamma malinnaallutik.

Taassuma saniatigut Birte suleqatigiinni “Kræfti sunava aamma qanoq katsorsarneqartarpa?”-mi peqataavoq, Saralu suleqatigiinni “Qanoq ililluta qanigisaasut tapersorsorneqarsinnaappat?”-mi peqataalluni.

Sarap Birtellu paasissutissat siulersuisuni ilaasortaqatiminnt ingerlateqqippaat, imaqarniliamillu immikkoortortaqarfinnut ingerlateqqinnejartumik nassiusillutik.

Juni

Naatsorsuutit 2016-imut tunngasut unamminartui allaffeqarfimmuit saqqummiunneqarput, nassuaatigineqarlunilu 2017 aallartinneqarsinnaanngitsoq 2016 naammassineqarsimatinnagu. Neriuffiup Ikinngutaasa suleriusaat nutarterneqarput.

2018-imi Nuna tamakkerlugu katersuiniarnissaq novemberip pingajuani toqqaannartumik TV-kkut aallakaatinneqartumik Katuami pissasoq aalajangiunneqarpoq. Matumiit-matumut katersuiniarnissaq septemberip 30-anni 2018 pissasoq aalajangiunneqarpoq.

Oqaloqtiginnittartunut ilitsersuutit naqqiiffigineqarput.

Ukiuni tulliuttuni pingasuni anguniagassatut siunnersuutit 2019-imi Nuna tamakkerlugu ataatsimeersuarnissami saqqummiunneqartussat oqaluuserineqarput.

Juli

Siulersuisut sulinngiffeqarput, taamaattumik ataatsimiinnatik. Allaffeqarfillu juli tamaat ammavoq.

Augusti

Ukiumoortumik nalunaarutip 2017-imut tunngasup aaqqitassartai aaqqeriarlugit kiisami akuersissutigineqarpoq.

Oqaloqtiginnittartunik pikkorissartitsinissaq 2019-imut kinguartinneqarpoq, pisussat Nuna tamakkerlugulu katersuiniarnissamut piareersaatit aammalu naatsorsuutit suliarineqarneri salliutinneqarmata.

Septemberi

Siulittaasup tulla siulittaasuugallartussatut ikkunneqarpoq, siulittaasup siulersuisuniit tunuarallarnera peqqutigalugu.

Katersuiniarnermi biili sorleq SMS-ikkut eqquiniaanermi atorneqassanersoq aalajangerneqarpoq. Nuuk's Auto pisarnermisut siunertamut tapersiilluni annertuumik akikillisaavoq.

2018-imi illoqarfinni immikkoortortaqarfiit Nuna tamakkerlugu katersuiniaqataanissaannut atortussat allattoqarfimmuit nassiusuunneqarput, aammalu taassuma saniatigut Nuna tamakkerlugu katersuiniarnissamut tunngasumik nutarsiassatigut tamanut avammut nalunaaruteqartoqarluni.

Septemberip 30-anni matumiit-matumut katersuinerit siullit illoqarfinni arfineq-pingasuni ingerlanneqarput.

Oktoberi

Iolloqarfiit sinneruttut tallimat matumiit-matumut katersuiniarneq silap ajornera peqqutigalugu kinguartitsisaqariaqarsimapput. Immikkuuluttut amerlanerpaat Nuna tamakkerlugu katersuiniarnissamut piareersarneqarput, aamma ussassaarutit ingerlaavartumik saqqumitinneqarlutik, isiginaagassiat naatsut, aamma Sermitsiaq.AG, KNR-TV, NanoqMedia aamma Facebookimi allaaserisat saqqumiussorneqarlutik.

November: NUNA TAMAKKERLUGU KATERSUINIARNEQ

Nuna tamakkerlugu katersuiniarneq sinerissami immikkoortortaqarfinnit ingerlanneqarpoq februarimiit septemberip 20-ata tungaanut, taassumalu kingornatigut novemberip 14-ata 2018 tungaanut.

KNR-TV-kkut Nuna tamakkerlugu katersuiniarneq novemberip pingajuanni 2018 toqqaannartumik aallakaatitsinikkut suliniaqtigiffiup aaqqissuuppaa.

Inuit ataasiakkaat aamma suliffeqarfippassuit annertuunik tunissuteqarput.

Taakku saniatigut suliffeqarfii/pisortallu suliffeqarfiutaat inuillu ataasiakkaat tunissutaat immikkut taaneqarsinnaasut ukuupput:

Qajaaraq, Albrecht Augustussenip Sisimiuneersup sanaava, El-Giganten-immiit qulleq, Nuuk Center-imut tunissut aningaasanik nalilik, Inuk Hostels-immi sapaatit-akunnerata naanerani ineqarneq, Home Sweet Home-miit siniffik, akikillerujussuarlugu, Nuuk Auto-ApS-immiit biili nutaaq, akikillerujussuarlugu, Kalaallit-Nunaanni arfanniarneq pillugu atuakkiaq, Sten Egede Hegelund-immiit, Akunnermiut CD-liaat Aksel Frederiksenimiit, kingusinnerusukkullu Islandimiut Kræftemik akiuiniarfianniit saqqarmiuqaqqat qalersat sapangaaqjanit sanaat 1000-it.

Aningasat tunniussat kr. 10.000,- init kr. 100.000,-inut ukunannga tiguneqarput:

KNI A/S, Brugseni, ITTU.NET/ITTUWOMAN, Nuna Fonden, Kommune Kujalleq, Nuummi Qatserisartut, GrønlandsBANKEN, Royal Arctic Line, KJ Greenland, A/S Inissiaatileqatigjiffik INI-mi sulisut katersaat, SIK, ILLIT FORSIKRING, PanasonicCenter Nuuk, Angunnguaq A/S, Unik Aps Nuuk aamma PETER PARS A/S .

Minnerunngitsumillu Neriuffiup immikkoortortaqaqrifii katersisimapput aningaasarpassuarnillu tunniussaqarlutik, ataani katillugit qassit katarsorneqarsimasut takuneqarsinnaallutik.

Oqaatigineqarsinnaavoq Neriuffik Sisimiut amerlanerpaanik katersisimammatt, tassalu katarsorneqarsimallutik kr. 105.282,-

Nuna tamakkerlugu katersuiniarnermi Neriuffiit Kattuffiata ukiunik 20-nngortorsiorna malunnartinneqarpoq, tassa taamani sinerissami immikkoortortaqaqrifit kissaatigisimammassuk suliniaqatigjiffiup Qallunaat Nunaanni Kræftens Bekæmpelsemut ataajunnaarluni Nunatsinni nammineerluni ingerlalernissaa. Ullorli manna tikillugu Neriuffiit Kattuffiat Qallunaat Nunaanni Kræftens Bekæmpelsemek qanittumik suleqateqartuarpoq.

Ataani takuneqarsinnaapput assit Nuna tamakkerlugu katersuiniarnermit KNR-TV-miit aallakaatinneqartumi assilineqarsimasut.

Kingusinnerusukkullu takuneqarsinnaapput aningaasartuutit isertitallu imikkoortiterneqarneri, aammalu aningasartuutit peereerlugit iluanaarut takuneqarsinnaalluni.

Assimi saamerlermi takuneqarsinnaavoq Hans Jukku Noahsen niplersuutilgaluni erinarsortoq Nukannguaq Geisler-immi ingiorneqarluni erinarsoqataasunit Nathan Kreutzmann-immiit aamma Tupaarnaq Ingemann-immi ingiorneqarlutik. Assimi talerpillermi Johannes Berthelsen Eigil Petersen-immi ingiorneqartoq takuneqarsinnaavoq.


(Assit KNR-TV-p toqqaannartumik aallakaatitsineranit tigusaapput)



Assimi saamerlermi takuneqarsinnaavoq Peqqissutsimut Naalakkersuisoq Martha Abelsen apersorneqartoq assimilu talerpillermi Tupaarnaq Ingemann erinarsortoq takuneqarsinnaavoq.



Assimi saamillermi takuneqarsinnaavoq Theo Kruse, nammineq piumassutsiminik ukiut 30-t ingerlanerini suleqataasimasoq, assimilu talerpillermi takuneqarsinnaavoq Sara J. Brandt aporsorneqarnermi nalaani Kalaallit Peqqissartut Illuanniittooq.



Assimi saamerlermi takuneqarsinnaapput Qiajuk Studiomi qitittartut pikkorissut, assimilu talerpillermi takuneqarsinnaavoq Per Berthelsen ukiut 30-t matuma siornatigut Kalaallit Nunaanni kræfteqartut tapersorsorniarlugit nammineq piumassutsimik suliniuteqarluni peqatigiiffilornerup aallartinnera oqaluttuarigaa.



Assimi saamillermi takuneqarsinnaavoq siulittaasuugallartoq Birte Nielsen aporsorneqartoq, assimilu talerpillermi takuneqarsinnaalluni Per Berthelsen erninarsuutigaluni guitarertoq Hans Jukku Noahsen-imik aamma Viila Sandgreen-imik nipilersoqateqarluni.



Nuna tamakkerlugu katersuniarneq aningaasartuitit suli peernagit kr. 2.133.283,-inik inerneqarallarpooq.



Nuna tamakkerlugu katersuiniarneq 2018	Aningaasartuutit	Isertitat
TelePost aqqutigalugu SMS-ikkut katersuiniarneq		885.030,00
Immikkoortort. matumiit-matumut, bingo il.il. katersaat		471.808,26
Ussassaarutinit isertitat		2.265,00
Qalipakkap tunniussap tunineranit isertitat		26.700,00
Inuit ataasiakkaat suliffeqarfiillu tunniussaat		1.015.154,78
Aaqqissuussisunut, Lynge Olsen ApS-imut aningaasart.	124.956,00	
Katuaq, inersuup atornera, sulisut akissarsiaat, Teknikkimut atortut, nerisat, billettet allallu	45.120,00	
Anglanermi nerisaqarneq	8.937,98	
Ussassaarutinut atortut aamma TV-kkut ussassaarutit	33.585,00	
Nakkaatitsiviit	4.976,50	
KNR-TV-p toqqaannartumik aallakaatitsineranut aning.	50.025,00	
SMS-ikkut eqquiniaanermi eqqugassamik biilisineq	139.739,76	
TV-kkut aallakaatitsinermi sulisut akissarsiaat	33.000,00	
Angalaneq+ineqarneq	85.805,00	
Nassiuusserni aningaasartuutit	21.972,45	
Biilink assartuineq	1.322,00	
Katillugit	549.439,69	2.400.958,04
Aningaasartuutit peereerlugit		1.851.518,35

Nipilersortartut namminneq piumassutsiminnik akilersinnatik nipilersortut, aammalu Qiajummi qitittartut immikkut matumuuna qujassuteqarfigineqarput.

Neriuffiit Kattuffiata katersuiniarnermi tapersersuisut tamaasa qujassuteqarfigai, aamma qulakkeerlugu oqaatigissavarput aningaasat katersorneqartut tamarmik kræftimik eqqugaasunut siunertanullu allanut kræftimik akiuniarnermi suliniutinut tunngassuteqartunut atorneqarmata.

Novemberi aammaa decemberi:

Kujataani immikkoortortaqarfinnut siunnersortaasoq Gustav B. Broberg Qeqertarsuarneersoq, siulersuisuniit tunuarpoq. Taamaattumik siulersuisut amigalerput. Tamanna pillugu siulersuisut aalajangerput Judithe Johansen siulersuisunut ilaasortanngortinnejassasoq. Judithe Johansen 2016-imi siulersuisussanik qinersinermi sinniisussanut qinikkat amerlanerpaanik taaneqartut tulliattut taamani qinerneqarpoq.

Aalajangerneqarpoq ukiormanna juullimut pilluaqqussut juullimut pilluaqqussutinut pappiaqqanut taarsiullugu Sermitsiaq. AG-kkut e-mailikkullu elektroniskimik nassiunnejassasoq.

2018-imi juullip tungaanut annertunerpaamik allaffissornermi suliassat suliarineqarput, assersuutigalugu diplomit qujassutit 161-it 1000 kr.-mit amerlanerusunillu tunniussaqarsimasunut nassiuussunnejarlutik.

IMMIKKOORTORTAQARFIIT

2018-imi Neriuffiit Kattuffianni immikkoortortaqarfiit ukuupput:

Neriuffik Upernivik, Neriuffik Qasigiannguit, Neriuffik Ilulissat, Neriuffik Qeqertarsuaq, Neriuffik Aasiaat, Neriuffik Kangaatsiaq, Neriuffik Sisimiut, Neriuffik Maniitsoq, Neriuffik Nuuk, Neriuffik Paamiut, Neriuffik Qaqortoq, Neriuffik Narsaq aamma Neriuffik Nanortalik.


Aamma Neriuffiit Peqatigiiffisa ataanni Neriuffiit Ikinngutaanik arlariinnik suliniaqatigiiffeqarpoq immikkut siulersuisoqarlutik ingerlasunik.

Assersuutigalugu Sisimiuni Neriuffiup Ikinngutai, Sisimiuni Neriuffimmut tapersersuisuupput. Neriuffiup Ikinngutai immikkut ilaasortaqanngillat, taamaallaat Neriuffimmut ilaasortaanissaq piumasaqaataammat.


Neriuffiup Ikinngutaanut aningaasatigut ikorsiiffigitinniarluni qinnuteqartoqassaguni Neriuffimmut ukiup affaa ilaasortaareersimanissaq piumasaqaataavoq naammallunilu.

**KRÆFTEQARTUT TAPISSUTINIK PISIMASUT ALLATTORSIMAFFIAT,
KRÆFTEQARTUT ILLOQARFIKKAARTUMIK AMERLASSUSAASA
NLUNAARSORNEQARNERAT KIISALU 2018-IMI KRÆFTEQARNERIT
SORLIUNERSUT NALUNAARSORNEQARNERI**

Kræftip suunera	Amerl.
Puakkut	39
Iviangikkut	30
Inalugarsuakkut	18
Iggissakkut	13
Itikkut	13
Imerajukkut	9
Aakkut	8
Inalussakkut	7
Mannissaqarfikku	6
Qaratsakkut	6
Aqajaqqukkut	6
Toqquusaakkut	6
Aqajaqqup sani-leqtaani qinersik-kut	5
Angutip quuata aqputatigut	3
Tartukkut	3
Tingukkut	3
Nakasukkut	2
Mannissap aqputaa	2
Qanikkut	2
Oqqakku	2
Sungap aqputatigut	2



Illoqarfiit	Amerl.	Kræftip suunera	Amerl.	Kræftip suunera	Amerl.	Kræftip suunera	Amerl.
Qaanaaq	5	Utsuit paavisa amer-saasigut	2	Utsukkut/itikkut	1	Illissap paavatigut	1
Uummannaq	15	Puaat ame-raasaatigut	1	Qinersitigut	1		
Upernavik	8	Torluup saani qiner-sikkut	1	Amikkut	1	Nakasukkut	1
Ilulissat	9	Siutip eqqaani qi-nerseq qisiliortukkut	1	Arlaakkut	1		
Qeqertarsuaq	4	Issukkut	1				
Qasigiannguit	5						
Aasiaat	15						
Sisimiut	22						
Maniitsoq	19						
Nuuk	45						
Qeqertarsuatsiaat	1						
Paamiut							
Qaqortoq							
Nanortalik							
Narsaq							
Tasiilaq							
Kulusuk							
Ittoqqortoormiit							
Qaanaaq							
Uummannaq							
Upernavik							
Ilulissat							
Qeqertarsuaq							
Qasigiannguit							
Aasiaat							
Sisimiut							
Maniitsoq							
Nuuk							
Qeqertarsuatsiaat							
Paamiut							
Qaqortoq							
Nanortalik							



Eqikkaaneq:

Ukioq 2018 kukkunersiusut Deloittekkut suleqatigalugit naatsorsuutinik annertuumik torersasoqarpoq, aamma avataaniit naatsorsuutinut tunngasunik immikkut ilisimasalik suleqatigineqarluni. Taamaattumik piffissarujussuaq siornatigut pisimasunik kingumut aaqqissuinernut atorneqarpoq. Aamma suleriaatsit pisariillisarneqernerannut piffissaq atorneqarluni. Siusinnerusukkut suleriaatsinik pisariillisaasimaneq sulinermi malunnaataavoq, ingerlaannarnissaalu inassutigineqarluni.

Naatsorsuuserineremi atortoq pisoqaavoq, taamaattumik siulersuisut inassutigaat piffissap ungasissorsuunngitsup iluani taanna nutajunerusumik taarserneqassasoq. Periarfissat aappaattut suliassaq taanna avataani naatsorsuuserisunut suliakkiunneqarsinnaavoq, taamaalilluni atorfilittaq allaffimmi suliassanik allanik ukkataqarnerulersinnaanngorlugu.

Suleriutsit pingaarutillit ilaat suli suliarineqanngillat, assersuutigalugu tapiissutinik tunniussisarnermut suleriaaseq, tusagassiutinut- paasisitsiniaanermullu politikki, nittartakkap nutaternissaa aammalu inuinnaat attaveqatigiittarffiinut tunngasumik politikki, assigisaallu.

Ukiut siuliini naatsorsuutit aaqqissugassat iluarsaannerinik peqquteqartumik suliassat annikitsualuit suliarinissai ajornakusoorsimapput. Kisianni Siulittaasoq aningaaserisorlu aningaasat qanoq ingerlanerinik malinnaajuarsimapput, qaammatit tamaasa aningaasat killiffiinik siulersuisoqatiminnt nalunaaruteqartuartarlutik.

Ukiup ingerlanerani siulersuisut iluminni suleqatigiilluarsiapput. Ajoraluartumik nappaassuarmik kræftimik napparsimalersartut ukiumiit ukiumut Nunatsinni amerliartorput. Ilisimatusarnerup takutippaa kalaallit kræfteqartut akornanni kræftimik toqquteqartartut Nunani Avannarterni amerlanerpaajusut. Neriuffimmiit pingaartorujussuartut isigaarput avatangiisitsinnit tamatuma nappaassuarmillu eqqorneqarnermi napparsimanerullu nalaani pisariaqartumik ikiorneqarnerup qanoq pingaaruteqartiginerata paasineqarnissaa.

Taamaattumik suliniaqatigiiffitsinni, nammineq piumassutsimik akissarsiaqarani suliffiusumi, pingaaruteqaqaq, inuit ataasiakkaat akornaniinnaanngitsoq, aamma politikerit akornanni paasinninnerunissaq iliuuseqarnissamullu piumassuseqarnissaq, napparsimasut sutigut tamatigut, aamma suliaritereernerup kingorna kingunerlutsitsivallaanngitsumik, pitsaanerusumik atugaqalernissaannik anguniagarpit piviusunngussappat. Maluginiarparput politikkimik suliallit aammalu tusagassiornermik suliallit tungaanniit tamanna aamma eqqumaffigineqarluartoq.

Naggataatigut una nalunaarut aqqutigalugu inuit piumassutsiminnik suliffeqarfiiit, namminersortunit pisortanillu ingerlanneqartut, ukiullu ingerlanerani tapiisartut tamaasa, annertuumik qujassuteqarfigaavut.